

青

海

誌

青海誌目錄

安定縣知縣康敷鎔纂

卷一

蒙古名稱
番種族分住址所在

戶口

畜牧

景
言

卷二

礦產

墾地

森林

出產

名山

水源

卷三

路程

寺院

卷四

名酋

上

目錄

二

青海

目錄

二

古

氣候

方域

蒙番強弱

青海誌目錄

青海誌卷一

安定縣知縣康敷鎔纂

蒙古

青海和碩特部二十一旗綽羅斯部
二旗輝特部一旗土爾扈特部四
旗喀爾喀部一旗凡二十九旗

青海誌

卷一

一

海東北岸為和碩特東上旗東岸和
碩特南右翼後旗東南岸為綽羅
斯南左翼頭旗南岸為喀爾喀南
右翼旗西南岸和碩特南左翼後
旗西岸為和碩特北前旗西北岸
為綽羅斯北中旗北岸為和碩特

北右翼旗和碩特東上旗之東為
和碩特南左翼末旗和碩特北前
旗之西為和碩特北左末旗其西
南為和碩特西前旗皆在布喀河
南岸西前旗之西北為和碩特北
右末旗在布喀河源其西為和碩

特北左翼旗北上旗之西北為和碩特前左翼頭旗在大通河南岸其北為和碩特西右翼前旗在大通河北岸綽羅斯南右翼頭旗之南為輝特南旗其西為和碩特南右翼末旗俱在黃河北岸又西為

和碩特南左翼次旗又西為和碩
特西後旗其南為土爾扈特南中
旗其西為土爾扈特西旗俱在黃
河西北岸輝特南旗之南踰河為
和碩特南右翼中旗其南為和碩
特前頭旗南當黃河之曲其西為

土爾扈特南前旗南臨黃河其北
為和碩特南左翼中旗西臨黃河
西前旗之西南為和碩特西左翼
後旗又西為和碩特西右翼後旗
又西為和碩特西右翼中旗三旗
俱跨柴達木河以居

按蒙古二十九旗分佈青海四
周原牧所在惟載籍與俗稱參
差紛跂故不能確指為某節即
某族某旗也且因番匪騷擾遷
地避難者居多王公游牧均不
囿於原牧之區故亦不能詳稽

而符合茲將調查所得沿俗慣
通稱者錄左

青海郡王名勒克齊勒噶居都蘭
寺在青海西南

可可貝勒居柴達木鄰青海郡王
迤西

宗合受貝子居柴達木科彙古西

南

巴隆札薩克居柴達木附近宗合

受

科彙古貝子居柴達木在可可西
科彙古札薩克固山貝子名那木

吹固居柴達木近科彙古貝子
現充左翼盟長

台吉乃爾札薩居柴達木科彙古

西

木勒郡王居大通八寶山雙峩博
附近郭莽寺

木勒札薩克居大通木勒
布喀公居大通木勒
角乃札薩克居大通木勒
巴罕淖爾札薩克居大通木勒
東有地

哇有地

哈爾蓋貝子居大通境內

哈力哈扎薩克居大通木勒

爾力開貝勒名達什且令住丹邑

近新寺札藏寺腦恰布恰有地即

所謂林慶貝勒也

羣科札薩克居丹邑胡丹度
托毛公居丹邑札藏寺倒洶河有
地

宗貝子名吹木丕勒諾爾布居丹
邑札藏寺新寺新壑及其力漫河
皆有地現充右翼盟長

居力蓋札薩克居丹邑東科寺海

南蘇合拉及河卡有地

端大公托毛公之子襲職居丹邑

東科寺

閃木公名班馬旺札勒居丹邑札
藏寺腦海南有地

托力合札薩克居丹邑東科寺可
可烏蘇有地

哈力卻札薩克居鹽池

察漢諾門罕即白佛居丹邑新寺
大勢在黃河南

河南郡王名官布才郎居近循化

拉布郎寺南俗稱一字親王

台吉札薩克名瑪吉格策令居循

化境黃河曲

札薩克名旺札多爾吉近河州多

只巴關

札薩克名恭布多爾吉居循化極

南

附尚力迭在可可子南藏屬蒙古

也

西番

剛咱族千戶名覺巴居海北管十
小族

汪什代克族千戶名桑什昂居布

喀河南管十小族

千布彖族千戶名員南巷秀居倒

洵河管十一小族

都受族百戶名拉科居窩爾雍管

二小族

完受族百戶名崗居近切吉

曲加族百戶名拉若居窩爾雍南

山

公雍族名他爾代大族折科之一

小族居阿爾雍

拉安族居阿爾雍頭目在河南

以上八族乃道光時招安投誠者

朱戶勒汪什科族千戶名那木開
居河南與居力蓋相對
魯蒼族千戶名魯本科居河南莽

拉川一帶管十六小族

折科管九小族散居黃河南北
阿里克族百戶原居可可烏蘇與
白佛同管渡口者現居大通河
北

上下剛咱族葉什羣族汪什代克
族角昂族蘊依族雙勿族哈咱

族什多巴族加咱族牙合爾族
阿錯合族共十一族道光時過
河北散居瑪沁雪山一帶

下郭密千戶居丕壤爾

上郭密百戶三人一名楞本一名
陳列一名達哈拉皆居曲扣管

中郭密

按上下郭密住屋耕田而兼事
游牧此外恰布恰東巴爾什迭
切吉巷哇且耕且牧之地甚多
惟恰布恰格里哈係青海大臣
所任頭目亦有名

玉樹

巴燕昂謙千戶一管百戶八名百長

四十四名

上札武族百戶一中札武族百戶一

下札武族百戶一

上格爾吉族百戶一中格爾吉百戶

下格爾吉百戶一

上隆巴族百戶一下隆巴族百戶一

上玉樹族百戶一下玉樹族百戶一

隆布四族百戶一

安圖七族百戶一

蘇爾莽族百戶一

蘇魯克族百戶一

稱多族百戶一

呢牙木錯族百戶一

蒙古爾津族百戶一

雍希葉布族百戶一

固察族百戶一

上阿拉克碩族百戶一
下阿拉克碩族百戶一
札武班右族百長一
哈受族百長一
洞巴五族百長一

以上二十五族皆居黃河星宿

海迤南通天河與格爾吉河上
下一帶東接四川西南與西藏
所屬土司界接壤

野番三果洛一康賽力一康十一任
欠先木

三果洛地距札梭拉迤南三站餘

居近黃河腦以時游牧河之南北
無一定住所內地概以野番目之
其實早經投誠亦由青海辦事衙
門力有未逮不能約束之故此種
野番時來丹城貿易無不以刼掠
為能事似宜一律招安興設頭目

有事尚易為鈴束也

戶口

昔年安輯蒙古共設佐領一百一十四箇半仕丁一萬五千百五十戶為一佐領合一萬七千一百七十五戶今調查所得僅萬二千餘戶

海上蒙族之弱於此可見

青海王二百餘戶

可可貝勒四百餘戶

宗合受二百餘戶

巴隆二百餘戶

科爾索古貝子及札薩克合二千

餘戶

台吉乃爾二千餘戶

木勒郡王二百餘戶

布喀公三十戶

角乃札薩十餘戶

巴罕淖爾札薩二十戶

丹巴札薩四五十戶
哈力蓋貝子百餘戶
哈力哈札薩兩戶
爾力開貝勒二百餘戶
羣科札薩百餘戶
托毛公四五十戶

言

一

五

宗貝子百餘戶

居力蓋二十餘戶

端大公二十餘戶

閃木公三十餘戶

托力合三十餘戶

哈力卻百餘戶

白佛三千餘戶

河南郡王三千餘戶

河南三札薩合五百餘戶

西番

昔年招安番族共計八族內設總管
二千戶五百戶十六百總三十五

各名目總計一千七百四十七戶
一萬八千四百二十丁口今調查
所得至五千餘戶番族之滋生繁
盛可想而知

剛咱族千餘戶

汪什代客二千餘戶

千布帛九百餘戶
都受四百餘戶
完受三四十戶
曲加三百餘戶
公窪百餘戶
拉安三百餘戶

此外河南北早經安插之番昔
年統計七千八百餘戶今魯蒼
一族至萬餘戶

汪什科六百餘戶

魯蒼族萬餘戶

下郭密五六百戶

上郭密三百餘戶

餘俱未詳

畜牧

蒙古

青海郡王馬千餘牛二千餘羊萬五
千餘

可可貝勒馬二千餘牛四千餘羊三萬餘

宗合受馬六百牛千餘羊萬餘

巴隆馬六百牛二十餘羊萬

科爾彙貝子札薩合計馬萬餘牛三萬餘

羊二十萬

台吉乃爾馬萬餘牛三萬餘羊二十
餘萬

木勒郡王馬千餘牛二千餘羊萬六
千餘

哈力蓋貝子馬五牛千餘羊七千餘
爾力開貝勒馬千餘牛二千餘羊二

萬餘

羣科札薩馬三百牛六百羊五千

宗貝子馬二百牛七百羊五千

哈力却馬四百牛一千羊一萬

白佛馬萬五千牛二萬羊三十萬

河南郡王馬萬五千牛二萬羊三十

萬

河南三札薩馬二千牛三千羊五萬
尚力迭馬千餘牛二千羊三萬餘

西番

剛咱族馬五千牛萬餘羊十萬餘
汪什代克馬萬餘牛二萬餘羊十五

萬

千布帛馬五千牛萬羊十萬

都受馬二千牛五千羊二萬

曲加馬千五百牛二千羊二萬

公窪馬五百牛千餘羊六千餘

拉安馬千五百牛千餘羊六千

汪什科馬三千牛五千羊五萬

魯蒼馬五萬牛七萬羊六十萬

上郭密馬千五百牛九千羊三萬

以上各件係就探訪所及者而言
除玉樹未經調查外其蒙番兩
種共計馬十二萬餘匹牛二十

餘萬頭羊二百二十餘萬其
餘未調之處甚多若實行調
查青海各蒙番生畜的數尚
不止此

青海誌卷二

安定縣知縣康敷鎔纂

礦產

鹽池查青海產鹽之處共有四處一
青鹽係青海郡王可可貝勒哈力
卻札薩三家之地即運銷丹地者

一為黑泥鹽柴達木河匯歸之地
及克克烏蘇河之賽什開鹽池五
柴旦所運之鹽一為土中鹽塊科
魯古蒙古每掘地而得之一為紅
鹽池在尚力迭迤南果洛野番取
之地近黃河此四鹽池其鹽味之

美鹽汁之旺不待日晒火煎水入
隔夜即成鹽粒

金海南貢爾勒蓋大河壩河卡佛山
溝至瑪沁雪山皆金廠也產沙金
亦有塊金黃河一帶沙金隨在皆
是台吉乃爾迤西則阿爾泰山脈

金苗暢旺木勒郡王所屬即大通
金廠

鉛錫產於青海王地圖馬河及科彙
古台吉乃爾及海西北之烏龍溝
距丹五站許

銅距切吉逸西三十里之蒙岡山上

有銅礦又海北之完力麻地方乙
開連腦有紅銅礦現已開採附近
大通河距丹五六站

硼砂可可子科彙古台吉乃爾等地
皆產之木勒所屬之野牛溝尤盛
煤產於剛咱地方番人取以然火尚

未開採其他未經發現之處不知

凡幾

硝產於台吉乃爾可可子科彙古一

帶

硫磺產地同硝

皂硃產於科達古及海南之大河巴

五色晶石產於可可貝勒地五色皆
備其綠者光瑩如水翠質堅硬不
易琢磨某貝勒曾携之入京以示
玉人據云質極寶貴惟刻雕之工
極昂按此亦金礦之苗即磁石之
類

墾地

墾務局新墾之地丹噶爾境內共九
萬餘畝郭密恰布恰四萬餘畝河
南磨渠溝萬餘畝共十五萬有奇
此外切吉行哇爾什迭及河南汪
什科番民相聚自墾者亦多若柴

旦玉樹熟地荒地均等河南莽拉
川汪什科可墾之地約五六十萬
拉布郎寺附近亦二十萬河北
近河之行哇大河壩可可烏蘇一
帶約五六十萬海南之窩爾甕切
吉一帶二三百萬海西青海王及

五柴旦亦可二三百萬雖沙漠鹵
地湖灘相間而有平原近水不勞
人工之地無慮數百千萬凡山谷
高寒之區留作牧場尤不碍其畜
牧之利則墾牧二事兩不相妨而
適以相成倘能亟時移民經營墾

牧各事其出產之饒有百倍於甘肅者

森林

郭密黃河兩岸杉樹成林河南完受寺汪什科先木多一帶天然林木極盛至巷哇大河壩以及迤西之

可可烏蘇有居力蓋丹巴托力合
三家之地林木茂密松柏楊柳之
屬皆中巨室之材千百年前之故
物也又青海王可可貝勒之地松
柏甚夥宗合受與巴隆之西南山
科爾彙古之北山以至台吉乃爾

之西南山森方域占地尤廣惜蒙
番不解培植之法保護之方一任
商販採代日形減少近黃河處尤
有濯之虞也
出產

羊毛蒙番玉樹皆產惟極西之柴旦

台吉乃爾等地有售毛於纏頭者
餘皆售於丹噶爾貴德大通一帶
以丹地每歲計之約出羊毛雙秤
至四百餘萬觔價約十兩上下其
他各地暨迤北之甘涼肅邊境迤
南之河洮一帶間有售者又不知

凡幾以丹噶爾為青海適中之門
戶每年有洋行十餘家就地採買
羊毛一項實為海上出產大宗

駝毛出產亦多

牛馬皮蒙番玉樹遠近皆有出數甚

鉅價值亦廉

野牛皮野馬皮蒙番玉樹各地皆有
出數亦多尤以野牛皮張最合時
用

馬牛羊蒙番皆有售者羊多來自西
番每年出售數亦甚鉅
羊皮大羊皮無多山羊皮有端買者

亦不甚多惟羔皮運售於甘肅四
川邊境者極多川甘商人出口採
買者亦不少

野獸皮如獐獐狐皮沙狐狼皮等蒙
番玉樹皆產之惟近青海左右者
特佳毛澤潤而深長

魚產於青海名曰湟魚冬夏兩季取之以售於西甯蘭州一帶

鹿茸鹿角蒙番各境皆有近年漸形減少嫩鹿茸價值不大時有京師商人來買者其老鹿角亦多均係

河南人採買

麝香蒙番各境皆有近年漸少價亦
漲至倍蓰

大黃五柴旦大黃最有名青海西南
自黃河一帶至玉樹皆產大黃之
地

香菇多產自近海處漢人亦有往採

者

枸杞五柴旦最多近黃河處亦有之
以柴旦為最佳

貝母黃河南岸各山亦產上番不識
採法均由內地漢民往採

酥油即牛乳所製者遠近番族所製

最佳蒙古所製不甚適用以牛乳
原不甚佳也

毛毡蒙古製者甚多近年毛價甚昂
出售者少

毛褐多產自玉樹有粗細各種近番
亦有製者則甚粗矣

蕨麻產自玉樹

青海名山

海心山是在青海之中心全體皆石
俗傳為瑤池上有寺院一座番僧
十餘名每於寒冬冰結來丹運糧
以備一年之食春融冰解即潛居

山寺向無船筏宣統元年比人林
阿德等以皮船渡海登是山寺僧
以為降自天上驚異非常倘於海
內行駛拖輪轉運貨物亦是交通
之一法緣青海直線約八百餘里
向來輸運羊毛鹽觔均用牛駝日

行三四十里遲滯異常

雪山一名崑崙或稱積石即所稱阿
馬尼穆占木遜謂祖山也在青海
西南千餘里黃河經其南復由東
而繞其北者是

驄山在青海正東百餘里即丹屬哈

城南山番人所謂梭力苟者也其
南熱水出焉即曲乃其北湟水南
支所發源也是處險要

日月山在海東百里許丹噶與青海
分界處是處險要

察漢托洛亥在海東七八十里其下

山即察漢城是處險要

那站洞大青山在海東北七十八里

湟水亂泉所發源也

溫保賽什加山即海南大山恰布恰

諸河所發源也

瓦山混山一名巴力貫即妖魔山上

郭密一帶所畜牧也

虎頭山在行哇口青山矗立者是距
海南二百餘里

瑪沁雪山可可烏蘇諸水所發源也
距海南五百餘里

賽力開業亥淺布哈大河發源之山

也距海西四百餘里

天青遮哈剌山一名天近哈達海西
南大山也距海百餘里

阿拉克沙爾山在海西二三百里有
黃河橫亘至柴旦者是

魁滿山在海西北百餘里大通河水

所發源也

烏木漢山即烏哈達山柴旦西南之
山也庫庫沙淖爾東北者是距海
西南千餘里

噶達素齊老山與附近之阿爾坦齊
欽山黃河發源之山也在海西南

千餘里

巴燕哈拉山在海西南千餘里乃青海與西藏分界處

阿爾泰山在海西北千餘里柴旦西北與新疆接壤處

澤巴彥哈拉山在青海東南千餘里

與四川松潘土司接壤處是處險要

青海大地山嶺迴環隨在異名不可枚舉僅誌其扼要者

水源

入海之水哈力蓋河發源哇力漫山

腦南流二百餘里入海

乙開烏蘭河發源木勒山垠南流二百七十八里入海

哈達河發源哈達山南流二百餘里入海

布喀河發源賽力開業亥淺山北合

牙子跨力馬水斜力因堪水郡水
結力漫十餘支南合呵什加提水
瓦力合水木勒水三大支經三百
數十餘里東流入海之水此為最
大

倒淌河水發源日月山垠西流百餘

里入海

此舉其最大而著名者記之若旁

支細流近於繁冗亦不具述

入河之水河南烏蘭水大小哈柳圖

水巴莽拉水皆流百餘里至二百

餘里入河河北恰布恰水發源溫

保賽什加山東南流七八十里入
河

朶毛羊其水發源阿眉瓦彥山東南
流五六十里入河

大河壩水發源瑪沁雪山西坳之銀
可合東坳之乙可合東北流三百

餘里入河水量最大此外札陵鄂
陵二海及河南之胡胡烏蘇二崑
都崙等入河之水甚多具見輿圖
地書茲不縷贅

不入河之水柴達木河縱橫迴流四
五百里匯為達布遜池

即柴旦
鹽池布

隆吉爾池柴旦布喀河之豬為海
素諾爾庫庫沙爾河之停為賽什
開淖爾圖馬河之入鹽池窩爾甕
之水發源鹽池西南會阿烏勒水
查查遮哈馬水切吉水瓦彥烏拉
哈水曲隨水鳩什科斯水東南流

三百餘里以入於西泥淖爾河卡
各水之入沙他若巴彥淖爾貢原
淖爾博爾池胡魯池哈拉池阿拉
克池及鹽池北之迭連池西南阿
遜池南之斗錯池洞箇池乃亥池
則又以重岡阻過沙漠滲漏不能

達於河海而隨在停滯故隨地池
泊不能悉數

書

卷二

一

青海誌卷二